

歷代畫家詩文集

船山詩草
(二)

臺灣學生書局印行

臺灣學生書局
PDG

船山詩草卷十一

遂寧

張問陶

仲冶

京朝集

甲寅

甲寅元日散朝與熊介茲飲酒

漸減兒時趣新年亦淡然
喜君同懶慢忘我不周旋
雞黍貧難具壺觴靜可憐
萬家簫管外相賞似林泉
春日遣懷

涅槃已入又如何常苦空門
議論多萬事總憑天位
置不爲仙佛不爲魔

蟬癡螳點總關情與世推移過一生平等觀人惟我輩不知何事得狂名

論詩十二絕句

咸英何必勝簫韶生面重開便不祧胥吏津津談律例可能執法似臯陶

五音凌亂不成詩萬籟無聲下筆遲聽到宮商諧暢處此中消息幾人知

胸中成見盡消除一氣如雲自卷舒寫出此身真閱歷強于飢餓古人書

憑空何處造情文還仗靈光助幾分奇句忽來魂魄

動真如天上落將軍

躍躍詩情在眼前聚如風雨散如煙敢爲常語談何
易百鍊功純始自然

想到空靈筆有神每從遊戲得天真笑他正色談風
雅戎服朝冠對美人

妙語雷同自不知前賢應恨我生遲勝他刻意求新
巧做到無人得解時

子規聲與鷓鴣聲好鳥鳴春尙有情何苦顛預書數
語不加箋注不分明

此事原非俗士知何須刻燭強爲之尖又競病全無

礙怕讀人間趁韻詩

文章體製本天生祇讓通才有性情模宋規唐徒自
苦古人已死不須爭

雕文鏤采太紛然開卷沈沈數猶眠人口數聯詩好
在不災梨棗亦流傳

名心退盡道心生如夢如仙劉偶成天籟自鳴天趣
足好詩不過近人情

倉史造字圖爲淵如前輩題

雨粟樓中文字古虬龍蛇蚓爭飛舞直奉侯剛作初
祖一區畫象憑空補虛堂穆穆圖聖倉炯然四目飛

靈光上古游魂聚三五哭聲動地天昏黃我聞倉頡
天生造書契鳥迹獸蹄聊會意咄咄書空畫不休安
知黑夜非遊戲後人學古徒斤斤七十二代何紛紛
周官保氏驚殊體太尉家兒奏說文不見其首見其
尾爲古人愚終不悔相斯史籀李陽冰恐皆當日吞
聲鬼先生下筆如有神一心變化憑天真深知作述
皆靈妙默契軒轅舊史臣揚州羅聘有仙筆畫鬼能
令真鬼出戲爲先生作此圖聖狂人鬼聲啾唧識字
人如黃帝史畫鬼人如吳道子落筆神光騰十指從
前故鬼都心死君不見頰添毫雲掩月髣髴傳神更

奇絕又不見漢劉龔周武墨異文嚮壁能虛造萬事
茫茫不可知鬼神狡獪書生癡入分真草已三變重
創奇文亦不遲我醉題詩興超忽烏焉滿紙無分別
仰天大笑筆花飛肯守骷髏眼中血吁嗟乎昨日之
日今日又斬新好古不泥真通人

自警

淺斟對新婦真飲不敢出平生醉後多譚言明日當
疑有酒失故人置酒偏招我日日敲門急于火終恐
田蚡殺灌夫糟邱臺上談因果吁嗟乎飲酒不師衛
武公三爵不識當終凶

弔故遊擊史公天祿

蕭山人

怪鳥嚶然百種鳴
文人從古愛相輕
久疑薄俗多名士
轉恨狂歌失老兵
醉後有時耽女色
眼中何處著書生
自慚不是龍門史
強爲英雄寫性情

正月十日王葑町給諫筵上贈吳穀人

錫麒

前輩

醉後相逢不忘祖
高曾兩世爲賓主
七十年來幾興廢
兩姓元孫前後輩
先生乙未我庚戌
編修檢討同簪筆
相望遙遙已七科
那知一見情原密
廉吏兒孫不送窮
先生也笑空囊空
好書嗜酒耽佳句
難得浮

生事事回因緣未了星霜換五世滄桑如掣電人海
茫茫真夢幻舉杯忽此同歡醺記取眼前王給諫

贈韓介堂廷秀同年時新選陝西平利縣

慷慨論交不厭深恨無好語作官箴入闕詩要英雄
氣經世人須父母心錢躍囊中防痛哭書題判尾費
沈吟褒斜是我還鄉路他日來聽單父琴介堂旋邗
改調廣西

馬平

寄懷李許齋時官折江
孝豐縣

聞君爲政有聲名感觸三年萬里情考願陽城能下
下詩如袁嘏莫平平書來天上人爭讀官在山中夢

亦請我欲浮家竟東去買魚沽酒問烏程

錢忠懿王金塗塔詩朱石君師命作

錢王鑄塔塔精巧八百餘年尙完好吾師好古偶得
之入手崢嶸一峯小心憐靈物在泥滓拂拭神光貢
天子預榻真形留數紙傳觀共訝奇如此我聞吳越
當年兵馬雄霸才獨守錢江東坐看五代等兒戲干
戈篡亂殊忿忿父子祖孫兄及弟四王三世傳忠懿
虎視眈眈不負嶠迎周歸宋知天意維王慷慨承貽
謀直與武肅又穆忠顯同千秋英雄布施豪于佛納
土能捐十四州只今幾度滄桑變冷落天涯表忠觀

萬事銷沈一塔存歸然如見靈光殿塔高五寸文曰
保書爵書名時乙卯作制精嚴畫象奇不煩考訂愁
荒渺我知神物關忠義不比尋常藏舍利王心卽佛
心精神之所寄不聞旃檀香但覺風雲氣恍如鐵券
昭靈異色正芒寒大廟器世人佞佛佛不知佛以無
我全其慈卽看賢王禦亂保吳越何異尸毗割肉時
吁嗟乎金剛不能壞忠孝不可忘後有錢宏徽前有
阿育王人天八萬四于塔一潭一月騰輝光君不見
神僧捧剎入雲去更爲昇平世界祈禎祥

送黃春帆

炳奎

之湖南

時年二十五歲
田分發知縣

官達年猶少衡湘羨此遊名高新進士權重古諸侯
春色連喬口湖聲動岳州雲山曾識我爲問水邊樓
甲寅上元時帆前輩招飲早過詩龕不候諸
客先歸越日先生投札索賦詩龕譙集詩分
韻得去字日以三日爲約戲作二十韻奉報
無客我先來客來我已去尋常杯酒閒亦有遇不遇
主人揖衆客當筵索奇句分韻如分茅各挾封侯具
驍驍躍天廡戈鋌環武庫忽憶脫羈鷹翻空杳何處
駢駢走蒼頭敲門投尺素下金如追逃開緘令人怖
刻期催賦詩立限三朝暮如繫枵腹人鞭笞索泉布

如強無衣人違心歌五袴威如丞相嗔突若將軍怒
民窮尚烹剝兵逸又招募思之復思之鬼神不來助
懷書忽長笑脩然百無懼勢迫出奇謀心空生妙悟
談笑謝主人下筆不能住不是詩龕詩或有詩龕趣
詩非我所長我與詩何與且聽踏燈歌小人無遠慮

初春感興

几榻同書借衣裘爲酒貧皇皇三寸筆草草一家人
性僻謀生拙心癯處世真居然窮不死高枕過初春
米貴思春俸詩書漸不親忍飢辭債主烹雪祭錢神
路踴擲揄揄天窮志氣人自傷青白眼何處識金銀

一月五日生女

自笑中年得子遲
顛狂先賦弄麝詩
那知繡榻香三日
又捧瑤林玉一枝
事到有緣皆有味
天教無憾轉無奇
女郎身是何人現
要我重翻絕妙詞

贈王秋塍

文字緣深結古歡
與君應作弟兄看
逢時莫羨凌雲賦
經世終須有印官
仙吏才高多際遇
詩人情重愛團圓
匆匆十日平原飲
祇覺花時送別難

花朝陶然亭公餞王蘭泉
刻先生予告歸里

七律

一首

高軒過我氣如虹
雪髮霜髯顧盼雄
曾開雲山遊戒
外尚驚笳鼓夢
軍中東南名士推前輩
輦轂詞人拜
下風莫訝江湖歸擢晚
君恩畱許待春融

離亭舉酒故交稀
話舊還攜老布衣
兩峯
望闕情懷

原戀戀憐才心事最依依
四筵名字停盃問二月風
花拂面飛笑指春明門外路
公卿頭白幾人歸

上巳孫少迂銓邀同徐壽徵明理吳寄廬鉉

際杲上人釣魚臺修禊大醉騎驢歸卽事有

作

孫郎招四客神情絕奇古韓康隱干醫夷吾託于賈

佛子枯如木酒人猛如虎修禊釣魚臺臨風各飛舞
天桃正作花朱霞照深浦煙波滉林壑新柳迷邨鷗
樹底羅盃盤滿衣落紅雨探手拾輕條攢眉避遊女
舉酒忽狂歌鯨吞忘賓主人生重知己升沈何足數
此時不痛飲太覺生人苦

庭中丁香盛開飲酒花下作

卯飲三春醉丁香一樹開雨聲窗外歇花氣月中來
笑我無心得何人信手栽繞枝晴雪滿蝶影亦裴回
庭中別有紫丁香一抹樹小花繁尤楚楚可

愛

一樹宛陵紫迎風碎可憐替誰含舊恨爲我結新緣
春色重簾外花光細雨前客窗全仗汝粧點豔陽天
三月六日王荳亭給諫招同羅兩峰山人吳
穀人編修法梧門祭酒董觀橋吏部徐后山
趙味辛兩舍人童春厓孝廉繆梅溪公子載
酒游二閘遇雨醉後作歌卽題兩峯所作大
通春泛圖後

五年不到東城東夢中煙水青濛濛城南飲酒亦殊
苦酒入深盃雜塵土酒戶本無多此口都嘗遍知我
還推王給諫獨買扁舟作春泛今年旱極風如虎遊